



Broj: 01-50-1-177-2/23

Sarajevo, 25. 1. 2023.

24-02-2023

ZAPISNIK

2. hitne sjednice Predstavničkog doma Parlamentarne skupštine Bosne i Hercegovine, održane 25. 1. 2023.

Sjednica je počela u 12.16 sati. Prisustvovali su svi poslanici.

Sjednici je prisustvovala predsjedavajuća Vijeća ministara BiH, kao i kandidati za imenovanje na dužnosti ministara i zamjenika ministara.

Iz međunarodnih organizacija sjednicu su pratili predstavnici: OHR-a, EUSR-a i OSCE-a. Također, sjednici su prisustvovali predstavnici švedske, italijanske, britanske i američke ambasade u BiH.

Predsjedavajući je podsjetio na to da je sjednica sazvana u skladu s članom 27. stav (1) tačka b), članom 68. i članom 152. stav (3) Poslovnika Predstavničkog doma, te je konstatirao da 2. hitna sjednica Predstavničkog doma ima sljedeći

DNEVNI RED

1. Potvrđivanje imenovanja ministara, zamjenika ministara i zamjenika predsjedavajuće Vijeća ministara Bosne i Hercegovine.

Ad. 1. Potvrđivanje imenovanja ministara, zamjenika ministara i zamjenika predsjedavajućeg Vijeća ministara Bosne i Hercegovine

Predsjedavajući je dao uvodne napomene rekavši, uz ostalo, da je novoimenovana predsjedavajuća Vijeća ministara BiH Borjana Krišto 20. januara 2023. dostavila je Odluku o imenovanju ministara, zamjenika ministara i zamjenika predsjedavajuće Vijeća ministara Bosne i Hercegovine zajedno sa:

- potpisanim izjavama kandidata čiji je oblik i sadržaj propisala Centralna izborna komisija BiH, u kojoj su sadržani podaci iz člana 10.d. stav (1) tačka a) alineje 1) do 6) Zakona o Vijeću ministara BiH,

- službenim potvrdama Centralne izborne komisije BiH, u skladu s članom 10.c. Zakona o Vijeću ministara BiH, kojima se potvrđuje da predloženi kandidati za ministre i zamjenike ministara ispunjavaju sve potrebne uslove za imenovanje i
- konačnim izvještajem o istinitosti informacija koji je sačinila Državna agencija za istrage i zaštitu BiH, a u vezi s postupkom imenovanja.

Komisija za pripremu izbora Vijeća ministara BiH održala je sjednicu, razmotrila sve raspoložive informacije u vezi s imenovanjem ministara, zamjenika ministara i zamjenika predsjedavajuće Vijeća ministara BiH, te je Predstavničkom domu dala preporuku za potvrđivanje predloženih osoba za navedene pozicije u Vijeću ministara BiH.

Zatim je predsjedavajući, u skladu s članom 152. stav (4) Poslovnika, pozvao predsjedavajuću Vijeća ministara BiH Borjanu Krišto da pročita Odluku o imenovanju ministara, zamjenika ministara i zamjenika predsjedavajuće Vijeća ministara Bosne i Hercegovine.

Borjana Krišto pročitala je odluku, nakon čega je otvorena rasprava.

U raspravi su učestvovali: Milan Dunović, Mladen Bosić, Šemsudin Mehmedović, Branislav Borenović, Milan Petković, Miroslav Vujičić, Safet Kešo, Zlatko Miletić, Midhat Čaušević, Šerif Špago, Zlatan Begić i Darko Babalj.

Mladen Bosić predložio je da se obavi pojedinačno glasanje: „Na osnovu člana 152. Poslovnika Predstavničkog doma Parlamentarne skupštine BiH, predlažem da se Predstavnički dom Parlamentarne skupštine BiH izjasni o pojedinačnom glasanju za svaki prijedlog za ministre i zamjenike u Vijeću ministara BiH“.

Predsjedavajući je rekao da nije moguće pojedinačno izjašnjavanje, jer se, u skladu s članom 152. Poslovnika, glasa o Odluci o imenovanju ministara, zamjenika ministara i zamjenika predsjedavajuće Vijeća ministara Bosne i Hercegovine, koju je predložila predsjedavajuća Vijeća ministara BiH, a taj način glasanja je primjenjivan i u svim prethodnim sazivima Predstavničkog doma.

Dom je, s 23 glasa „za“ (iz Federacije BiH 15, iz Republike Srpske osam), 19 „protiv“ i bez glasova „suzdržan“, potvrdio imenovanje ministara, zamjenika ministara i zamjenika predsjedavajuće Vijeća ministara Bosne i Hercegovine.

Predstavnički dom potvrdio je imenovanje ministara u Vijeću ministara Bosne i Hercegovine:

- | | |
|-------------------------------|--|
| 1. Elmedina Konakovića | - za ministra vanjskih poslova |
| 2. Zorana Tegeltije | - za ministra finansija i trezora |
| 3. Staše Košarca | - za ministra vanjske trgovine i ekonomskih odnosa |
| 4. Davora Bunoze | - za ministra pravde |
| 5. Edina Forte | - za ministra komunikacija i prometa |

- | | |
|----------------------------|--|
| 6. Dubravke Bošnjak | - za ministricu civilnih poslova |
| 7. Nenada Nešića | - za ministra sigurnosti |
| 8. Zukana Heleza | - za ministra odbrane |
| 9. Sevlida Hurtića | - za ministra za ljudska prava i izbjeglice. |

Predstavnički dom potvrdio je imenovanje zamjenika ministara u Vijeću ministara Bosne i Hercegovine:

- | | |
|---------------------------------|--|
| 1. Josipa Brkića | - za zamjenika ministra vanjskih poslova |
| 2. Muhameda Hasanovića | - za zamjenika ministra finansija i trezora |
| 3. Ljiljane Lovrić | - za zamjenicu ministra vanjske trgovine i ekonomskih odnosa |
| 4. Elvira Mahmuzića | - za zamjenika ministra pravde |
| 5. Ognjena Janjića | - za zamjenika ministra komunikacija i prometa |
| 6. Marijane Mojić | - za zamjenicu ministricu civilnih poslova |
| 7. Ivice Bošnjaka | - za zamjenika ministra sigurnosti |
| 8. Aleksandra Goganovića | - za zamjenika ministra odbrane |
| 9. Slavena Galića | - za zamjenika ministra odbrane |
| 10. Duške Jurišić | - za zamjenicu ministra za ljudska prava i izbjeglice. |

Predstavnički dom potvrdio je imenovanje **Zorana Tegeltije i Zukana Heleza** za zamjenike predsjedavajuće Vijeća ministara BiH.


Nakon potvrđivanja imenovanja, predsjedavajuća Vijeća ministara BiH, ministri i zamjenici dali su svečanu izjavu.

Sjednica je završena u 14.42 sati.

Sastavni dio Zapisnika je transkript 2. hitne sjednice Predstavničkog doma.

SEKRETAR
PREDSTAVNIČKOG DOMA

Marin Vukoja



PREDSEDavajući
PREDSTAVNIČKOG DOMA

Dr. Denis Zvizdić

